



TOSHKENT DAVLAT YURIDIK UNIVERSITETI REKTORINING B U Y R U G ' I

02.05.2024

279-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va boshqa ichki hujjatlarni buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti talabalari Odob-axloq kodeksi qoidalari bilan tanishtirilgan bo'lishiga qaramasdan, 2024-yil 24-aprel kuni soat taxminan 21:00 larda Universitetning 2-sonli Talabalar turar joyining kirish qismida fakultetning 1-kurs talabalari Kamalova Maftuna Azamatovna va Jaynaqov Xudoyshukur Oybek o'g'li o'rtasida o'zaro kelishmovchilik chiqqan.

Xususan, M.Kamalova tanishi fakultetning 1-kurs talabasi I.G'oyibnazarov bilan Talabalar turar joyining kirish qismida gaplashib turgan vaqtida X.Jaynaqov bir necha bor yoniga kelishini aytib M.Kamalovani chaqirgan va X.Jaynaqov M.Kamalovani “**lab” deb haqorat qilgan.

Shundan so'ng, M.Kamalova esa X.Jaynaqovni yuz va ko'krak qismiga urgan.

Universitetning 2-sonli Talabalar turar joyi mudiri-kompleks rahbari N.Shayzakovning 2024-yil 1-maydagi bildirgisida talabalar M.Kamalova va X.Jaynaqovlar 2024-yilning mart oyidan beri tanishib o'zaro gaplashib yurganini, 2024-yil 24-aprel kuni esa talaba X.Jaynaqov 2-bino tashqarisida M.Kamalovani boshqa talaba bola bilan gaplashib turganini ko'rib bu holatdan noroziligini M.Kamalovaga bildirgan. M.Kamalova bunga javoban X.Jaynaqovga tarsaki tushurganini, X.Jaynaqov esa M.Kamalovani haqoratli so'z bilan haqorat qilganini ma'lum qilgan.

Mazkur holat yuzasidan M.Kamalova o'z tushuntirish xatida X.Jaynaqov bilan o'zaro kelishmovchilik natijasida yuz va ko'krak qismiga urganini qayd

etgan.

Mazkur holat yuzasidan X.Jaynaqov o'z tushuntirish xatida M.Kamalova bilan o'zaro kelishmovchilik natijasida haqorat qilganini qayd etgan.

Mazkur holatlar 2-sonli Talabalar turar joyining kirish qismidagi kamerada qayd etilgan video tasvirlarda ham tasdiqlagan.

Talabalar M.Kamalova va X.Jaynaqovlar mazkur harakatlari bilan TDYU Odob-axloq kodeksi 17-moddasi 1-xatboshisi (har qanday huquqbuzarlik yoki jinoyat sodir etish, jumladan, tuhmat qilish, haqoratlash), 4-xatboshisi (tinchlik yoki osoyishtalikka qarshi tajovuz qilish va janjallashish taqiqlanadi), 18-moddasi 2-xatboshisi (xodim va talabalar o'zaro munosabatlarda inson qadr-qimmatiga hurmatsizlik, shaxsiyatni kamsitish, o'zganing intellektual mulki yoki boshqa ijod mahsulini ruxsatsiz o'zlashtirib olish, qo'pollik, behayo so'zlar ishlatish, mushtlashish qat'iyan man etiladi) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 17-moddasi 1, 4-xatboshilari va 18-moddasi 2-xatboshisi hamda universitetning Ichki tartib qoidalari 83-bandiga asosan

BUYURAMAN:

1.Universitet Odob-axloq kodeksi 17-moddasi 1 va 4-xatboshilari va 18-moddasi 2-xatboshisi talablarini buzganligi uchun universitetning Xalqaro huquq va qiyosiy huquqshunoslik fakulteti 1-kurs talabalari Kamalova Maftuna Azamatovna va Jaynaqov Xudoyshukur Oybek o'g'liga hayfsan e'lon qilinsin.

2.Fakultet dekanlari (D.Umarxanova, D.Kamalova, B.Musayev, Sh.Saydullayev, A.Babadjanov) mazkur buyruq mazmun-mohiyatini talabalar guruhiga shaxsan kirib ularning e'tiboriga yetkazilishi va keng muhokama qilinishini ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabaning shaxsiy hujjatlar yig'majildiga buyruq nusxasi tikilishini ta'minlasin;

mazkur holat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA



Kelishildi:

Direktor

SH.PO'LOTOV



Katta yuriskonsult

A.TURSUNOV



Ilmiy ishlar va innovatsiyalar
bo'yicha prorektor

B.XODJAYEV

